



Kainakin te wisa n Rikin te Baentemike

Te wisa ni makuri ae e aki tei maan (te karinan mai nano 408)— te Kowid Baentemike ae e riki ae e kakoauaaki iroun te Tautaeaka n Aotiteria—e nang tabe ngkai ni kainaki.

Man 2 Tebetemba 2023, e na ti kona n reke te wisa ibukin te Baentemike ae e Riki bon nakoia aomata aika iai irouia te wisa ibukin te Baentemike ae e Riki aei. Ngkana iai iroum te wisa ibukin te Baentemike ae e Riki, ao e na teimatoa ni kona n reke iroum te kauoua ni wisa i muin 2 Tebetemba 2023, ni karokoa te tai are e a bon kainaki raoi iai te wisa n 1 Beberuare 2024.

Nikiraia aomata ni kabane aika iai irouia te wisa anne, e na kona n reke irouia te wisa ibukin te Baentemike ae e Riki man 2 Tebetemba 2023.

Aikai kanoan te kainin anne:

- Taan bubuti aia wisa ni kabane aika a karokoa aia bubuti iaon ke imuin 2 Tebetemba 2023, ngkana a kariaiakaki, e na kona n ananau riki tikuia i Aotiteria n te maan ae 6 te namakaina.
- Bubuti ni kabane aika a karinaki iaon ke imuin 2 Tebetemba 2023 a na kabaka te Tiaati ni Bubuti te wisa (te VAC) n te maiti ae \$405.00 te mane n Aotiteria.
- E na kainaki te wisa ibukin te Baentemike ae e Riki nakoia ni kabane taan bubuti n 1 Beberuare 2024.
- N te tai are ko bubuti iai ao e na riai ni iai iroum te wisa ibukin te Baentemike ae e Riki ae e na bane taina i nanon 28 te bong ke iaana riki, ao tiaki inanon 90 te bong aika a tia n nako.
- Bubuti aika a karinaki imain 2 Tebetemba 2023, ngkana a kariaiakaki, ao a na bon teimatoa n taraaki ba reitan riki te tai n tiku i Aotiteria n te maan ae e nakon 12 te namakaina (ke 2 te ririki ibukia aomata aika iai irouia te wisa ae e aranaki ba te TGV).
- E na teimatoa maiun am wisa ibukin te Baentemike ae e Riki ni karokao banen taina ke ngkana ko a manga anganaki am wisa riki teuana.

E Aera ngkai e na kainaki te wisa ibukin te Baentemike ae e Riki?

E moan karokoaki te wisa ibukin te Baentemike ae e Riki n Eberi 2020 ba aonga ni kona taan roko n te aba aika iruaa ba a na kona n tiku i Aotiteria n tain kainakin tian te aba. E kaekai naba kanganga ake a riki man taren maitia taan makuri n taabo ni karaobwai aika a rangin kainanoaki ibukin karikirakean te aba.

Ngkai a tia ni kaukaki tian nako Aotiteria, ao ni manga tia n okira aron maitia taan kabonganai wisa aika a aki tei maan n aron maitia imain rikin te KOWID, ao e aki kainanoaki te wisa ibukin te Baentemike ae e Riki.

Man katokan te wisa ibukin te Baentemike ae e Riki ao e na karika karaoan babaire aika a tamaroa riki ibukia taan roko aika iruaa, e na kanakoraoa riki kawain tibatabakin te wisa, ao e na kangaraoa naba aia kakamakuri taan tia roko aika a aki tiku ni maan n roko ao n nako mai Aotiteria.

E na buoka naba aron kakoauaan te kantaninga are a na bon bubuti aomata ibukin karekean te wisa ae a kainnanoia, ao ae e boraoi ma bukin manangaia ao tikua i Aotiteria.

Te kainin aio, e na boutoka naba kabobongan raoi te tititam iaon te wisa. N ikotaki ma taan tia kamakuri aika a kan kabongana te wisa ibukin katibanakoan tabeia ni mwanena managaia taan tia kamakuraki, ao e tabe naba n rikirake maitia taan tia mwananga nako Aotiteria aika a kan waekoa ni karekea te wisa aio n rokoia ikekei. E rangin riiriki aei n taabo ike a reiakinaki iai taan roko n te taetae ni lmatang, ike a maiti taan reireinaki man aban nako tinaniku aika a buta araia man te kataneiai imuin rokoia.

Mwaneka ake imuina ibukia aomata aika iai aia wisa ni katauraoiia imain te kainin.

Ngkana iai iroum te wisa ibukin te Baentemike ae e Riki ao bon aei am tai ni kabobonga raoi tein am wisa ao ni bubuti ibukin te wisa ae e angaraoi ma aron tikum ke ni waakini am katauraoi ibukin kitanakin Aotiteria iroum.

Ko kona ni kabongana te VEVO (are bon Kakoauaan Te Kona ni Karekea te Wisa n te Aonraain) n rinanon taekan am wisa, ni ikotaki ma banen taina,ni kawara: www.homeaffairs.gov.au/vevo.

Man aei ao ko na kona ni bubuti te wisa ibukin te Baentemike ae e Riki imuin 2 Tebetemba 2023, ni karokoa te tai are e nang bon iin raoi iai n 1 Beberuare 2024, ma ti ngkana iai nikiran am bong n tiku aika 28 ke iaana riki iaon maiun am wisa ibukin te Baentemike ae e Riki.

Ko riai ni kakoauaa ba ko teimatoa n ongotaeka nakon te tua ngkana ko tangiria n tiku i Aotiteria. Ngkana ko aki ira nanon te tua, ao e na kona n rotaki iai am kona ni manga roko i Aotiteria n taai aika a na roko.

Ngkana ko tabeaianga ba e nang toki maiun am wisa ke e a bon tia n toki maiuna, ao ko kona ni buokaki n ana Tieweti ni Karaunano te Tebatemente n te Aba. Ko riai n reitaki ma ngaiia n te tai ae e riai n te aonraain iaon: www.homeaffairs.gov.au/csrs ke n tareboonia te namba ae 131 881 (Monibong nakon Kanimabong i marenan te awa 9 n te ingabong ni karokoa te awa 5 n te bwakantaai).

Mwaneka ake imuina ibukia taan makuri ni katauraoiia ibukin te kainin.

Taan tia Kamakuria aomata aika iai irouia te wisa ibukin te Baentemike ae e Riki, a riai ni kakoauaa ba tera aia babaire aia tia makuri, ni ikotaki ma aia iango iaon kan bitakin aia wisa ke ni kan kitana Aotiteria.

Man kananauan riki te tai imain te kainin, ao a kona taan tia kamakuria aomata aika iai aia wisa ibukin te Baentemike ae e Riki ni karekea riki aia tai ni kamakuriia taan makuri aika a boou.

Bon tabeia taan tia kamakuri ni kakoauaa ba a kamakurii taan makuri mai itinanikun te aba aika e maiu aia wisa, ba ngkana a aki, ao a na anganaki te katuaeaki ae e korakora.

A kaungaki taan tia kamakuri ba a na kabongana te tititam ae te (VEVO) ke Kakoauaan Te Kona ni Karekea te Wisa n te Aonraain iaon: www.homeaffairs.gov.au/vevo ni kakoauai iai kaetieti iaon taekan te wisa ao maanin maiun aia wisa taan tia makuri aika tiaki kaain te aba. Ma e riai ni karekeaki moa ana kariaia tia makuri ibukin waakinan aio.

Rongorongo riki tabeua

Ibukin rongorongon riki te wisa ibukin te Baentemike ae e Riki, ke itera aika a kona ni karoaki kawara: www.homeaffairs.gov.au

Ibukin kakoauaa taekan au wisa kawara: www.homeaffairs.gov.au/VEVO